

AMUS - Asocijacija kompozitora muzičkih stvaralaca, je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

Broj: 338-GD/16
Sarajevo, 26.5.2016. godine

Porezna uprava – F BiH
Kantonalni porezni ured Sarajevo
Odsjek za inspeksijski nadzor

Bosna i Hercegovina-FEDERACIJA BOSNE I HERCEGOVINE
FEDERALNO MINISTARSTVO FINANSIJA-FINANSIJA
POREZNA UPRAVA FEDERACIJE BiH
KANTONALNI POREZNI URAD

Odsjek za inspeksijski nadzor

26.05.2016

--	--	--	--

Predmet: Prigovor na Zapisnik o inspeksijskom nadzoru br. 13-9-02-15-10-480/15 od 17.05.2016. godine

Poštovani,

dana 23.05.2016. uručen nam je Zapisnik o inspeksijskom nadzoru br. 13-9-02-15-10-480/15 od 17.05.2016. godine. Na posljednjoj strani Zapisnika predstavljena je rekapitulacija dodatno utvrđenih obaveza, prema kojoj je za period 01.01.2010.-25.05.2015. godine obračunata obaveza u ukupnom iznosu od 473.750,16 KM, od čega se 402.428,74 KM odnosi na porez na dohodak (od toga plaćeno 90.396,30 KM), dok se 71.321,42 KM odnosi na obračunatu zateznu kamatu. Nezadovoljni nalazom inspeksijskog nadzora, ulažemo

PRIGOVOR

na Zapisnik o inspeksijskom nadzoru br. 13-9-02-15-10-480/15 od 17.05.2016. godine, zbog pogrešne primjene materijalnog propisa, odnosno Zakona o porezu na dohodak, i to:

1. Prilikom utvrđivanja osnovice za obračun poreza na dohodak, porezni inspektori polaze od ukupno naplaćenog prihoda AMUS
2. Kao trenutak nastanka obaveze plaćanja poreza na dohodak, porezni inspektori utvrđuju trenutak naplate prihoda od strane AMUS.

Oboje (pod 1. i 2.) je protivno odredbi Zakona o porezu na dohodak, gdje se u članu 32. stav (3) izričito navodi:

“Porez na dohodak od ustupanja imovinskih prava obračunava, obustavlja i uplaćuje isplatilac dohotka kao porez po odbitku istovremeno sa isplatom dohotka i to primjenom stope od 10% na iznos isplaćene naknade umanjen za rashode iz člana 21. stav (5) ovog Zakona, bez prava na lični odbitak iz člana 24. ovog Zakona. Plaćeni porez smatra se konačnom poreskom obavezom i ovaj dohodak poreski obveznik ne unosi u godišnju poresku prijavu.”

AMUS - Asocijacija kompozitora muzičkih stvaralaca, je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

1. Osnovica za utvrđivanje porezne obaveze

Prema citiranom čl. 32. stav (3) Zakona, porez na dohodak od ustupanja imovinskih prava obračunava, obustavlja i uplaćuje isplatilac dohotka **primjenom stope od 10% na iznos naknade.**

Dakle, osnovicu za obračun poreza na dohodak predstavlja iznos isplaćene naknade autorima. Ukupno naplaćeni prihodi od strane AMUS ne predstavljaju iznos isplaćene naknade autorima, pa ne predstavljaju ni osnovicu za utvrđivanje obaveze poreza na dohodak.

2. Trenutak nastanka porezne obaveze

Prema citiranom čl. 32. stav (3) Zakona, porez na dohodak od ustupanja imovinskih prava obračunava, obustavlja i uplaćuje isplatilac dohotka kao porez po odbitku **istovremeno sa isplatom dohotka.**

Dakle, porezna obaveza nastaje u trenutku isplate dohotka autorima. Trenutak naplate prihoda od strane AMUS ne predstavlja trenutak isplate dohotka autorima, pa ne predstavlja ni trenutak nastanka porezne obaveze.

3. Obračun, obustavljanje i uplata poreza na dohodak od imovinskih prava

Utvrđivanje osnovice poreza na dohodak kao i utvrđivanje trenutka nastanka porezne obaveze je u uzročno-posljedičnoj vezi sa određivanjem subjekta koji obračunava, obustavlja i uplaćuje porez na dohodak od imovinskog prava (čl. 32. stav 3 Zakona).

Ako je osnovica za obračun poreznih obaveza ukupno naplaćeni prihod od strane AMUS (a ne dohodak isplaćen autorima), te ako porezna obaveza nastaje sa naplatom prihoda od strane AMUS (a ne sa isplatom dohotka autorima), onda bi iz toga proizlazilo da porez na dohodak od imovinskih prava obračunavaju, obustavljaju i uplaćuju korisnici usluge AMUS (RTV i kablovski emiteri, tržišni centri, ugostitelji, organizatori koncerata itd.), a ne AMUS kao organizacija za kolektivno ostvarivanje autorskih prava.

Budući da nema dileme da porez na dohodak od imovinskih prava obračunava, obustavlja i uplaćuje AMUS (a ne korisnici usluge AMUS-a), onda nema dileme da:

- osnovicu za obračun poreza na dohodak predstavlja iznos isplaćene naknade autorima;
- trenutak nastanka porezne obaveze je trenutak isplate naknade autorima.

Izražavamo iskrenu nadu da ćete uvažiti odredbe citiranih članova Zakona o porezu na dohodak.

S poštovanjem,


mr. Lejla Trnčić,
generalna direktorica Stručne službe AMUS-a

